

## Održan sastanak Upravnog odbora IMPULS projekta i radionica za nacionalne koordinateure

04.05.2015 15:24



U Zagrebu, Republika Hrvatska, su 29. i 30. 4. 2015. godine održane sjednica Upravnog odbora IMPULS projekta i radionica za nacionalne koordinateure projekta.

Dnevni red sastanka Upravnog odbora projekta uključivao je više tekućih aktivnosti koje su ovom prilikom usaglašene između agencija učesnica projekta. Tako je usvojen izvještaj o implementaciji projekta za prvi kvartal 2015. godine, usaglašena generalna podrška regionalnom sporazumu o razmjeni prostornih podataka te predložen niz budućih unaprjeđenja kako bi se dodatno osigurala uspješna implementacija projekta. Ovom prilikom su također svi prisutni direktori kratkim prezentacijama

upoznali svoje kolege iz regiona o tekućim aktivnostima, inicijativama i projektima unutar svake agencije.

Radionica za nacionalne koordinate IMPULS projekta, na kojoj su raspravljani prijedlozi za unaprjeđenje, usaglašen radni plan za 2015. godinu, specificirano učestvovanje na predstojećoj INSPIRE konferenciji te diskutirane mnoge druge teme, ujedno je poslužila i kao priprema za sastanak Upravnog odbora.

Domaćin ovih događaja je bila Državna geodetska uprava Republike Hrvatske, koja je implementacijski partner Lantmäterietu (švedska geodetska uprava) u ovom projektu. Federalnu upravu za geodetske i imovinsko-pravne poslove ovom prilikom su predstavljali direktor Željko Obradović – član Upravnog odbora IMPULS projekta, i Denis Tabučić – koordinator projekta.